

آشوب، تسالونیکي میان

۱ پوئس و سیلاس، جہ شهران آمفیپولیس و آپولونیا بوگذشتیدی و
۲ پوئس به تسالونیکي فارسه ییدی کی یهودیان اویہ کنیسه داشتیدی. ۲ پوئس
طبقاً خو عادت بوشو کنیسه دورون و سہ تا سبت روز رہ جہ کیتاب مقدس اوشان
امراً بحث بوکوده ۳ و توضیح بدہ و دلیل باورده کی لازم بو امی گوناہان کفارہ
وستی مسیح رنج بکشہ و جہ مُردہ یان ویریزہ. اون گفتی: «آ عیسای کی در مورد
اون شمرہ گب زنن درم، هو مسیح ایسہ.» ۴ بعضی جہ اوشان و افراد زیادی یم جہ
یونانیان خوداپرست و زناکان سرشناس قوبیل بوکودیدی و پوئس و سیلاس امراً
همراه بوبوستید.

۵ ولی یهودیان حسودی بوکودیدی و چند نفر شریز مرداکان جہ بازار سر جمع
کودیدی، ایتا گروه چاکودیدی و شهر میان آشوب به پا بوکودید. آ گروه، پوئس
و سیلاس پیدا کون وستی به یاسون خانہ حملہ بوکودید تا اوشان جہ او خانہ
دورونی ببرید او جماعت ورجہ کی اویہ جمع بوبوستہ بید. ۶ ولی وختی رسولان
پیدا نوکودیدی، یاسون و چند نفر جہ ایمانداران دیگر فکش فکش امراً ببریدی
مقامات شهر ورجہ و فریاد بزہیدی: «آ مرداکان، دونیای به آشوب فکشیدی. ہسہ
بموییدی آیہ ہم هو کار بوکونید ۷ و یاسونم اوشان برده خو خانہ. اشان ہمہ تان جہ
قیصر دستوران نافرمانی کونیدی، چونکی ادعا کونید اینفر دیگر ہم پادشاہ ایسہ

کی عیسی نام دآره.»^۸ وختی مردوم و مقامات شهر آگبان بيشنوستیدی، پریشان بوستید.^۹ بزین یاسون و دیگران جا ضمانت فیگفتیدی و اوشان آزاد کودید.